

## ACTVS IV

i

DEMIPHO CHREMES

*DE.* Quid? qua profectu' causa hinc es Lemnum, Chreme, adduxtin tecum filiam? *CH.* non. *DE.* quid ita non?

*CH.* postquam videt me ei(u)s mater esse hic diutius, simul autem non manebat aetas virginis

570

5 mēam negligentiam: ipsam cum omni familia

ad me profectam esse aibant. *DE.* quid illi tam diu quaeso igitur commorabare, ubi id audiveras?

*CH.* pol me detinuit morbus. *DE.* unde? aut qui? *CH.* rogas?

senectus ipsast morbu'. sed venisse eas

575

10 salvas audivi ex nauta quī illas vexerat.

*DE.* quid gnato optigerit mē ābsente audistin, Chreme?

*CH.* quod quidē me factum consili incertum facit.

nām hānc condicionem siquoi tulero extrario,

quo pacto aut unde mihi sit dicundum ordinest.

580

15 te mihi fidelem esse aequae atque egomet sum mihi

scibam. ille, si me alienus adfinem volet,

tacebit dum intercedet familiaritas;

sin spreverit me, plus quam opus est scito sciet.

vereorque ne uxor aliqua hoc resciscat mea:

585

20 quod si fit, ut me excutiam atque egrediar domo

id restat; nam ego meorum solu' sum meus.

*DE.* scio ita esse, et istaec mihi res sollicitudinist,

neque defetiscar usque adeo experirier

donec tibi id quod pollicitus sum effecero.

590